

寸草廬
奏稿

四明張氏約園開雕

寸草廬遺書總目

第二孫張康源恭編

寸草廬奏稿二卷

王應麟困學紀聞補注二十卷

彭兆孫小謨賜館文集注四卷

寸草廬贈言十卷

寸草廬遺書

總目

四明叢書
約圖刊本

寸草廬奏稿序

光緒二十六年二月二十六日先師肖翁張先生歿於

京師鍾琦聞訃首往啟手足哭不可仰泊後靈輶南返

門弟子相率送於馬家堡皆嗚咽而不忍舍歸未數月

拳匪禍作兩宮播遷鍾琦復遭父喪國變家難相繼而

至奄奄一息悲與憤俱欲死者屢矣而卒不死此其中

豈有數耶抑師恩未報耶由今溯之忽忽十年矣先生

立朝謇諤人人能言之顧其所以入告者雖受知之深

如鍾琦者亦罕能知其涯略自先生之長公子詠寬以

寸草廬稿序

四明叢書
約園刊本

知府需次蘇垣與共朝夕屢索觀遺稿一日錄章疏二

十餘篇見示且云體先人之意未敢付刊相契如子請

爲序之以俟異日鍾琦何足以序先生之文且何足序

先生所以入告之文願以詠寬之堅請則又奚敢辭夫

君子之道莫大於斂華崇實以躬行先天下世之亂也

文章聲氣互相標榜卽有一二博強直之譽者客氣偶

乘則中情或餒轉無以灼見其斐篤之忱獨先生起家

清貧事母至孝自入詞垣閉門深居不以干人日肆力

於學居臺諫十年章數十上知有國家知有人民而不

恤其他斯其忠愛秉於天性又豈沽名釣譽者所能望
哉抑又聞之歲在乙未先生以馬關約定浩然歸去歸
家而嘔血盈升比戊戌返京適值新舊遞嬗之際而先
生則鬱鬱不樂以爲兩者皆過之及己亥之冬則大聲
疾呼時時怒形於色以爲大亂之在目前也嗚呼孰知
先生不及待而果如先生之言也先生往矣後先生而
死者將何以任此責哉因爲序以覆詠霓尙其保此遺
稿用備史官之採俾先生剛直之氣久而彌永云賜進
士出身江蘇承宣布政使前翰林院編修受業陸鍾琦

時宣統二年庚戌四月

寸草廬遺書序

張生康源

字星聯

彙次其王者給諫公所爲書曰奏稿二

卷曰王應麟困學紀聞補注二十卷曰彭兆蕪小謨觴館文集注四卷曰贈言十卷凡四種三十六卷題曰寸草廬遺書皆刻行於世其批校史記若干卷校注李兆洛駢體文鈔三十一卷家書四卷庸訓若干卷藏於家方有清光緒之際綱紀頹弛矣甲午之冬日本寇朝鮮我師敗績於平壤海軍燬焉九連岫巖金州旅順相繼失守禮科給事中張公尙葺憤當事諸臣觀望懷奸乃疏劾督師北洋大臣直隸總督李鴻章軍機大臣禮親王世鐸等黨同蒙蔽因循誤國請立予罷斥逃官敗將依克唐阿衛汝貴龔照璵等速正典刑言不見用然直聲震天下在臺諫十年章數十上所陳皆關國家安危大計而於羣吏侵冒言之尤切爲人所不敢言者雖屢不合然不以利害禍福動其意也公旣以氣節相高居詞館也日閱困學紀聞隨筆記補多出全謝山翁鳳西諸家之外嘗曰深寧是書於君子小人消長之幾人心風俗之故言之最切吾是以致力於斯也初入詞垣職

典文字爰披小謨觴館文集注其所出綴於眉端每完一篇手自寫定

時仁和孫培元注未刊行世

王念豐所謂潤身以華

國者歟公生十一年而孤厥考介葺封翁臨終以公屬李太恭人曰吾家三世惟此一綫此子嗜書汝教以讀勿他計也由是太恭人督教嚴祗寒暑雨一鎧課讀勿輟也家貧米鹽衣履脩脯之資仰太恭人十指及公貴以節孝旌倩人續秋鎧課讀圖徧徵當世名人詩文編爲十卷取孟東野誰言寸草心報得三春暉詩意署曰寸草廬贈言逮公卽世伯子壽鏞次長排比遺書次第

寸草廬遺書序

二四明叢書

續圖刊本

刊布復續刻於四明叢書其第二孫康源以叢書浩瀚檢討匪易披公所著書四種合爲一集書來乞言夫張氏以忠孝傳家著聞郡國康源是舉可謂善繼人之志善述人之事者也詩云無念爾祖聿脩厥德康源兄弟其念之哉公諱嘉祿字受百鄞人光緒三年進士翰林院編修兵科掌印給事中華民國三十有七年戊子六月大暑節慈谿馮貞羣序

先考兵科掌印給事中記名繁缺道張公行狀

本籍浙江甯波府鄞縣

曾祖忠豪妣王氏

祖孝達妣贈中憲大夫妣顧氏妣贈恭人

父林佑贈中憲大夫妣李氏贈恭人

公諱嘉祿字肖菴一字受百以道光二十五年乙巳十二月十六日生同治八年己巳以府試第一入府庠旋食廩餼光緒二年丙子舉於鄉三年丁丑成進士選庶吉士散館授編修十五年改山東道監察御史旋掌雲

甘肅廉奏稿

行狀

一四明叢書

約園刊本

南道監察御史十八年擢戶科給事中旋轉禮科掌印給事中二十一年請開缺二十四年銷假補兵科給事中旋轉兵科掌印給事中壬午乙酉癸巳充順天鄉試同考官辛卯充湖北鄉試副考官巡視中城抽查漕糧截取繁缺知府截取繁缺道卒於任時光緒二十六年庚子二月二十六日也吾家先世居縣南段塘九世祖殿臣公始遷居城內後庫營世修其德自忠豪公至公三世單丁公生十有一年福祐公卒以公屬李太恭人曰吾家三世惟此一綫此子嗜書汝教以讀勿他計也

見鄞縣志
列女傳四

由是太恭人督教嚴雖祁寒暑雨一鐙讀弗

輟也

李太恭
人行述

家貧米鹽衣履脩脯之資仰太恭人十指

長沙王先謙
李太恭人傳

中遭寇亂顛沛不使廢學公性既穎異念

太恭人勤閔益自刻苦年十七卽出授讀歲在辛酉館

於鄞東陶公山忻氏時匪自杭東竄郡城戒嚴公馳歸

省母太恭人怫然曰吾將他徙而汝遽來益增吾憂公

曰母在城中兒何敢不歸歸次日陶公山被擾忻氏有

死難者而公得無恙自是學益進門徒日益眾館穀所

入差足以養然太恭人不及待矣自丙寅歲太恭人卒

寸草廬素稿

行狀

二四明叢書

約禮刊本

每以早歲失怙太恭人含辛茹檠又不及見己成立與

人言及輒嗚咽涕泣因名其書室曰慕歐廬旣通籍則

爲行述繪秋鐙課讀圖徧徵當世名人鉅公詩文集所

得曰慕歐廬贈言嗣復慨然歎曰余道德文章何能媲

美歐公寸草春暉之意古今同之因名曰寸草廬贈言

凡遇忌日含哀不怡至於終身其事親也如此自入詞

垣以至臺諫累掌文衡一守先正義法務取學有根柢

詞歸雅正之作一時最稱得人國家自同治中興以後

內患救平外侮迭至當事者以籌海爲經國要務於是

練海軍購船械歲費金錢不下數千百萬顧於外人水陸戰術船礮製造類皆茫無所知其用以居閒往來主管事務者必取其與外人接近則所得又多沿海黽儉豪奢夸誕之徒情義嗜利公爲詐欺故籌海數十年一旦有事則戰守一無可恃甲午日韓構衅北洋大臣直隸總督李鴻章奉命督師赴援節制乖方我軍燬焉公憤甚疏言自東黨肇亂鮮王乞師倭人乘之葉志超孤軍遠戍屢請增兵李鴻章置若罔聞專主和議以至仁川口外倭人密布我師遂不得進貽誤者一海軍經營十年糜款千數百萬及至遣軍東渡不令巨艦護送僅令廣乙等一二小舟前往以至猝遇倭攻損傷軍士遺失餉械貽誤者二我軍初至平壤倭兵尙止二萬人自宜力戰以圖收復乃嚴旨屢促進兵而李鴻章聲言必須添兵至三萬方可進戰以至倭兵雲集繞出我軍後路遂致潰敗不可收拾且同一敗也與其株守而待敵人之攻曷若進取而冀萬一之勝李鴻章以畏葸爲持重獨不念我添之兵未至而倭兵之來愈多兵法所謂甯我薄人安在貽誤者三軍行以糧餉爲最要自六月

二十日後頓兵平壤而營務處臬司周馥等自八月初九日始自天津起程轉運糧臺始終未設以至餉援不繼挫損軍威貽誤者四倭人自攻威海後退回本國修理船隻海軍不乘時進攻仁川或游弋釜山對馬島等處斷其接濟迫倭船麇集黃海始遣定遠等船護送銘軍至大東溝相遇接戰雖損傷略足相當而前後難易迥判機宜坐失貽誤者五然此但舉其大者言之若倭船購煤釋之於開戰之後拏獲奸細不嚴究窩頓之人於劣懦無能之丁汝昌則因察看而爲之延譽於貪黷

素著之盛宣懷張士珩則因彈劾而愈加信任種種欺飾視諭旨若弁髦且內結樞臣羣相蒙蔽外援私黨備極彌縫天津人士至謂其子通婚姻於倭王置產業於倭土雖係浮言無據要亦李鴻章有以致人切齒者也現在喪師失地奉吉震驚伏願皇上乾綱獨斷立予罷斥以爲大臣貽誤軍機者戒天下幸甚又糾合臺諫疏言此次軍務之壞李鴻章固罪無可逭而實由於軍機大臣等黨同蒙蔽苟且因循以至於此皇上多一日之優容卽多一日之敗壞夫朝廷設立軍機大臣禮親王

等曾不顧名思義兵事悉委李鴻章迨諸臣交詆北洋
宜可少悟矣九連城既失亦復不設一謀仍請旨問計
於該督揆其用意不過以爲若有貽誤罪有攸歸既可
卸若輩之肩又可塞皇上之責危而不扶焉用彼相凡
李鴻章之所奏無不曲意奉承雖明知其非未敢駁斥
而獨於聖心之所向或用一人或行一政其不愜於彼
意者則必曲說以阻撓之否則舞文以蔽混之不解該
大臣等於李鴻章情何其親而於皇上瞻何其大也征
倭以來諸臣章奏無慮百數十件矣皇上虛衷委任悉

寸草廬奏稿

行狀

五

四期續書

約園刊本

令該大臣等議其可否乃故擇無關緊要者行之其有
必應辦之事匪曰窒礙卽曰張皇所謂簡派統帥設立
糧臺京城團防天津團練紮地營之法調諸省之兵顧
募漁船籌備軍械等事皆當日之所謂難行者其後又
皆一一行之而著著落後緩不濟急如以爲是胡不早
行如以爲非胡又舉辦皇上若以此詰責之不知其何
辭以對謂非有心遲誤故與敵以可乘耶一次警報卽
添令數人募軍數日後便不復問甚或朝令暮改毫無
主張果其智不足乎抑私欲錮蔽之乎特其貪戀利祿

不欲戰而欲和冀可苟安無事獲保餘年耳至於樹黨
擅權怠廢公事歲入苞苴無數與外吏相勾結猶其罪
之小焉者也翁同龢李鴻藻前者會議之時嘗退語人
曰我等無權純是軍機大臣作主既奉入軍機之命以
爲從前積習可自此除矣乃數日以來仍無布置倭兵
自皮子口登岸爲數不過數千人日行不過十餘里來
已旬餘絕不聞速遣兵將迎頭邀擊而竟束手以失金
州是積習猶如故豈該大臣等之仍行把持乎抑翁同
龢等之故事依違乎此則索解而不得矣目覩時艱未

廿草廬奏稿

行狀

六四明叢書

約圖刊本

敢避嫌怨而不言伏求皇上明降諭旨將禮親王世鐸
等五人明正其罪並將翁同龢等嚴加訓飭令其力矯
從前黨同蒙蔽苟且因循之習庶軍務或有轉機不然
則有非臣等忍言者矣又請斬依唐阿衛汝貴龔照璵
失律諸將疏入皆留中又先後條陳戰守機宜及浙江
防軍虛額請飭嚴查均蒙採納復以浙省盜風熾肆請
飭地方文武員弁認真搜捕並參提督張其光昏耄廢
弛及副將費金組等奉旨查辦降黜有差匪首尤田雞
由是弋獲浙省盜風始戢乙未馬關約定復糾臺諫力

爭不獲遂乞假歸泊還朝以兵輪管駕積習太深請飭
選汰又請清查舊存槍槩以杜冒濫意大利兵艦至三
門灣索租借地三門灣者當甯台之交北接石浦南通
健跳中有南田島尤廣斥膏腴我浙東形勢要害之所
在也公謂此地若失甯台將首破其禍乃上疏請自闢
商埠以抵制之奉旨飭議其巡視中城任內請禁呂宋
賭票以絕民害命下卽日實行外國賭票由此絕跡已
丑甯屬被水成災己亥餘姚上虞水災一則單銜入告
一則聯合韓御史培森入告請加意振卹皆得旨飭行

自戊戌創變法而新舊之爭起至己亥剛毅等用事欲
有所擁立爲蜚語以聞於是太后有廢立意己密詢各
疆吏將召九卿科道議之公宣言主上無失德果召議
吾以死爭矣時公方病力起具疏草以待日夕憂危事
雖中寢而公病不可爲矣在臺諫十年先後章數十上
皆關國家安危大計而於羣吏侵冒欺罔之弊言之尤
爲痛切然未嘗妄劾一人及毛舉細故謂諫臣體應爾
也抽查漕糧釐剔弊竇不稍寬假莅差伊始吏進千金
公訝之更曰此常例也公嚴斥不納巡視中城案牘皆

手自披答有著名倉蓋奉命拏辦自命下至送刑部才
一日既送部而清貴請託者至告以事已辦訖退謂

壽

曰余早知有此矣其立朝也如此自以早歲困於科

舉之學又復消磨於詩賦小楷之中遂奮志治經史嘗
曰治經必先識字於是取段氏苗氏徐氏諸家說文舊
萃其說以爲日課史筆推龍門又取史記自始至末一
一批校好駢體文自漢魏六朝以迄於宋均加勘校取
彭氏小謨觴館文爲之箋注搜輯宏富細書小字隨記
所得字裏行間題綴殆徧困學紀聞一書鄉先生王伯

寸草廬素稿

行狀

入

四明叢書
約園刊本

厚精力之所萃也致力尤深參考互證所得多出全翁

諸家之外如易貴未然引宋劉荀明本釋陽盛陰生引

宋袁文夔牖閒評觸類引伸意在厚集其說不第以駭

博爲長晚年益痛刮浮華務取本實日讀宋儒書大抵

以研窮義理不立朱陸門戶爲主旨嘗書養身齊家砥

品勵學八字命

壽銘

懸爲座銘疾病彌留猶執

壽鏞

手

勉以孝悌忠恕言之至再嗚呼

壽鏞

何敢忘哉平生

不以文章聲氣表襮當世操行清峻慎平有不可犯之
色而待人接物誠懇篤擊歷久不渝引後進教誘諄諄

主講甯郡孝廉堂鎮海鯤池書院課諸生以經義治事而尤以敦品爲先謂有體始有用未有品學不優而能成大事者新法旣行嘗與友人書曰變法而人心不變仍無益也變法而人心大變尤可危也訓壽鏞等曰西

人技藝實可效法農學一科尤宜注意不特國家富源所在卽爲一家一身計亦不可忽先儒張楊園言凡由田園而來者食之甘享之永汝曹宜勉之天性儉樸一縑袍十年不易嘗曰儉以養廉又曰嗇於己不嗇於人料簡家政纖悉靡遺每寄家書剴切詳盡可與湘鄉曾

寸草廬奏稿

行狀

九四明叢書

約園刊本

氏後先媲美其持躬勤學垂裕後人不使迷於所鄉者又如此所著困學紀聞補注二十卷奏稿二卷小謨觴館文集注四卷藏於家壽鏞復輯家書四卷就家書中

之粹言及所聞見者更編爲寸草廬庸訓將與寸草廬贈言均付棗梨後世子孫亦可知公之爲人矣公先聘同邑應氏布政司理問書玉女未娶卒娶柴氏候選同知權女柴恭人不及逮事舅姑而處家儉約躬自縫紉自來嬪以至屬纊始終如是嘗以李太恭人當年劬勞語誠子婦謂今日所處視昔何如以故公得壹意治事

無內顧憂承接親族下逮僮使誠懇惻怛曲致情意無不德之後公九年卒男子三長壽鏞光緒癸卯科舉人三品銜江蘇候補道次壽鎬附貢生湖北候補知府權知施南府事三壽鏡縣丞女子二長適鎮海法部員外郎李厚祺次字布政司理問陳士奎先卒孫康溥康澤康澐宣統二年十月合葬於西巖黃麻山之麓壽鏞等行能無似不能繼述先志深懼先人志事散佚不彰用敢追述其生平議論及事實之大者如右備史官之採錄並請於當世立言君子伏維垂聽而擇焉謹狀宣統

十草廬奏稿

行狀

十四明徵書

約同刊本

三年月日孤壽鏞狀

張肖菴先生傳

門人安陸陳培庚謹撰

先生姓張氏諱嘉祿字肖菴浙江鄞縣人先世居縣南段塘先生九世祖殿臣始遷居城內後厓營世修其德曾祖忠豪祖孝達父福祐皆以慈善著聞先生生十有一年而贈公卒母李太夫人受遺撫孤家奇貧米鹽衣履脩脯之資皆仰太夫人十指中遭寇亂流離顛沛不使廢學先生性既穎異又感太夫人勤閑益自刻苦德器早成同治丙寅丁太夫人憂己已服闋始以府試第一入府庠旋食廩膳光緒丙子舉於鄉丁丑聯捷成進

一 東廬叢稿

一 四明叢書
約圖刊本

士選庶常散館授編修京秩素清苦先生閉門深居不以干人而益肆力於學喜讀宋儒書大抵以研窮義理不立朱陸門戶爲主惟於困學紀聞致力尤深參考互證所得多出全翁諸家之外如易貴未然引宋劉荀明本釋陽盛陰生引宋袁文壘牖閒評觸類引伸意在厚集其說不第以該博爲長又嘗爲小謨觴館文箋註搜輯宏富細書小字隨記所得字裏行閒題綴殆徧晚年多病未及成書輟業壬午乙酉癸巳三次分校順天鄉闈己丑分校禮闈辛卯典試湖北衡文一守先正義法

務取學有根柢詞歸雅正之作一時最稱得人己丑秋
改山東道御史旋轉掌雲南道壬辰擢戶科給事中次
年轉掌禮科國家自同治中興以後內患救平外侮迭
至當事者以籌海爲經國要務於是練海軍購船械歲
費金錢常不下數千百萬願於外人水陸戰術船礮製
造先類茫無所知其用以居閒往來主管事務者必取
其與外人接近則所得又多沿海駙僉豪奢夸誕之徒
櫛義嗜利公爲詐欺故籌海數十年一旦有事則戰守
一無可恃先生恒盡然傷之甲午中東事起當時文武

大吏募兵籌餉因緣爲利疏請訓練之兵移緩就急出
入款項嚴核中飽又陳戰守機宜者數事九連城岫巖
金州旅順相繼失守先後疏劾大學士李鴻章軍機大
臣禮親王世鐸等黨同蒙蔽因循誤國請立予罷斥逃
官怯將依克唐阿衛汝貴龔照璵諸人請速正典刑言
雖不盡用而士氣爲之一振浙江營規廢弛防軍闕額
兵輪管帶歲修支款尤浮冒復論劾提督張其光副將
費金組等降黜有差乙未夏馬關約定糾臺諫力爭不
獲遂乞假歸於是杜門不出者數年戊戌秋力疾還京

補兵科轉掌科己亥春意大利兵船起至三門灣索租
借地屢講不戢浙江戒嚴三門灣者當寧波台州之交
北接石浦南通健跳中有南田島尤廣斥膏腴先生以
謂此地若爲外人所據則浙東形勢失其要害而寧台
尤首被其禍乃疏請自開商埠以抵制之奉密旨飭議
施行浙以添防益購軍械先生請清查舊存槍礮子藥
以杜冒濫是年秋餘姚上虞風水爲災復與韓侍御培
森合詞請速籌堵築加意振卹奉旨飭行寧台土匪尤
田雞結黨橫行地方官不加懲治疏請嚴緝不數月就

寸草廬奏稿

傳

三四明叢書

約園刊本

擒浙東匪患始除自戊戌創變法而新舊之爭起己亥
剛毅等用事益媒孽其閒竟有廢立之意然恐輿論不
協將召九卿科道議之時先生方病強起草疏謂此事
果行是自求禍也苟見召必廷爭死無悔旋以中外議
論洶洶事中寢而先生病日甚矣計在臺諫十年先後
章數十上所陳皆關國家安危大計而於羣吏侵冒欺
罔之弊言之尤爲痛切然未嘗妄劾一人及瑣舉細事
謂諫臣體應爾也嘗巡視中城有著名倉蠹奉命拿辦
自命下至送部未及一日既送部而親貴請託者至矣

奉查漕糧吏胥循例進千金嚴斥不受聞者稱之性至孝自以早歲喪怙太夫人含辛茹檠又不及見已成立而沒每遇忌日含哀不怡與人言及輒嗚咽流涕終身如是嘗出太夫人行述並繪秋鐙課讀圖徧徵詩文手自鈔錄編爲寸草廬贈言以誌不忘操行清峻凜然有不可犯之色而待人接物誠篤懇摯歷久不渝治事日有程度料簡家政纖悉靡遺寄諸子家書剴切詳盡可與湘鄉曾氏家書後先媲美嘗書養身齊家砥礪學八字示諸子懸爲座右銘疾病彌留猶執諸子手勉以孝弟忠恕言之至再嗚呼此可以知先生立身之本矣先生以庚子二月二十六日卒於京邸年五十有六京都同官及門下生徒皆奔走流涕同聲哭曰朝廷又失一正人矣蓋素行之孚於人如此子壽鏞光緒癸卯舉人江蘇候補道壽鏞湖北候補知府權施南府事壽鏡贊曰光緒三十年中海氛四扇我武不揚當時臺諫侍從諸臣交章論列或責難樞府或痛詆疆吏莫不發抒已見標榜聲華雖亦足博強直之名而中情或繭然餒矣先生不以文章氣節表襮於世而密封急遞或反爲

諸公所不能言不敢言者何則忠愛深則利害忘名利
淡則得失顯也且卽以文章論紆徐雅則抑亦足與於
白作者之林視當世所謂崇論閎議者其優劣正未可
知爾子曰有德者必有言又曰仁者必有勇先生庶足
當之無愧色與

寸草廬奏稿

五
四明叢書
約園刊本

寸草廬奏稿目錄

卷一

敬陳管見疏

樞臣貽誤軍機請旨分別治罪訓飭疏

寇氛熾肆宜統籌全局疏

請兼顧東防片

魏光燾前赴山海關請毋庸歸吳大澂節制片

請飭查核浙江防軍虛額疏

浙海兵輪修理浮報請飭密查參究片

寸草廬奏稿目錄

一四明叢書
約園刊本

請嚴定防營新餉軍器核銷限期片

請整頓契稅片

力爭和議疏

卷二

浙江甯紹水災請飭蠲緩並籌辦急振疏

浙東水災江塘衝決請飭籌堵築並振撫疏

浙省盜風熾肆請飭認真搜捕疏

請安置鎮海防軍並嚴効在事官吏序

請禁止呂宋賭票疏

兵輪管駕積習太深請飭認真選汰疏

請飭清查舊存軍火器械片

請開三門灣商埠疏

奏派抽查漕糧謝恩摺

省墓假滿到京恭覆恩命摺

專案報銷五城練勇局收支銀兩摺

監放粥廠完竣恭覆恩命摺

甘肅奏稿

目錄

二四明叢書

約園刊本

寸草廬奏稿卷一

鄧張嘉祿肖蒼著

敬陳管見疏

奏爲敬陳管見仰祈聖鑒事竊維前車之覆後車之鑒也自倭寇朝鮮以來主兵者調度乖方以致師徒撓敗坐失機宜若復玩誤相仍何以復封藩而維大局謹據一得之愚爲我皇上陳之一曰賞罰嚴明北洋大臣李鴻章久總師干身膺重寄凡有規畫朝廷無不曲從乃倭人構釁旣不能先事預防又不能臨機決策遂令倭

寸草廬奏稿

卷一

一

四明叢書

約園刊本

人垂手而得朝鮮從容布置水陸要隘均爲所踞我軍孤守平壤不能水陸竝進已挫銳氣將領又任用非才葉志超毫無將略而簡爲統帥衛汝貴素著貪名而授以援師以致倭逼平壤四面俱進葉志超等但知憑城以守不知據保山險倭兵得以乘高擊下勢如建瓴左寶貴旣亡諸將遂潰此皆李鴻章調度乖方之罪也若聽其法外逍遙獲免嚴譴何以雪天下之公憤而勵將士殺敵致果之心伏願皇上乾綱獨斷立予罷斥以戒將來天下幸甚一日守禦衝要奉天爲根本重地天津

爲京師門戶北塘樂亭榆關等處皆關緊要宜令東三省練兵大臣奉天將軍嚴守鴨綠江及營口一帶北洋大臣嚴守沿海要險兵法所謂先爲不可勝以待敵之可勝者也伏願嚴旨戒飭諸臣此數處如有疏虞定卽從重治罪庶幾疆分守各專責成一曰力圖進剿自古用兵高麗皆數道竝進今宜選擇將才厚集陸師自安州一帶南下酌調水師自大同江口東上水陸合勢奪取平壤進逼開城王京別出奇兵自圖們鴨綠兩江水源一帶直入咸鏡忠清以斷王京後路一曰進弋海

上倭人以全力圖朝鮮勢不能分兵南下宜以南洋師船出其不意直攻琉球釜山對馬諸島亟肆以疲之多方以誤之倭兵圖踞朝鮮者必將返顧我兵救援朝鮮者乃易下手一曰速設糧臺軍行以糧餉爲命脈我師自六月二十日後進據平壤糧運不繼而營務處臬司周馥等遲至八月初九日始自天津起程并不早設糧臺天氣漸寒士卒又苦未備棉衣今宜亟籌饋餉製備棉衣源源接濟俾無凍餒之虞軍旅乃能用命一曰招撫韓民高麗重世官輕世役民心久不能平倭人因而

聞之而開化守舊遂分兩黨故倭寇得以長驅直入如履無人之地然倭人能開朝鮮之民以奪朝鮮中國即可開朝鮮之民以攻倭人今誠選擇廉吏廣備衣糧隨同大軍設法招撫勸以同仇之義作其敵愾之心眾志成城到處樹幟必爲倭人心腹之患一曰事權宜一自古出師討賊雖分數道必置大將一人身臨戎陣總制諸軍乃能合力齊勢克敵制勝宜別簡大將一其威權帥師出境與賊爭衡台灣雖南洋重地而衝要海口亦祇基隆滬尾兩處該撫邵友濂守以八十營已屬過事

張皇乃更加以兩幫辦兩客將并處一隅不啻一國三公也邵友濂素昧韜略又與諸將不和設使倭人南攻台灣其能並力協心收指臂相使之用乎伏望朝廷早爲之所勿使貽誤軍機悔之無及一曰豫備將才倭國雖貧倭地雖小人頗狡猾該國王亦有智數未可輕視也李鴻章乃狃於朝陽之役使葉志超諸人當之所謂不知彼不知己者矣今宿將凋謝存者無幾除四川提督宋慶已奉命幫辦北洋事務外其餘如陝西提督雷正綰新疆提督董福祥似尙可用董福祥祝嘏來京計

日可到當留於北洋以備戰守雷正綰曾駐防奉天當
令率其所部由北地星夜馳赴奉天爲諸軍後勁此皆
輿論所推不敢壅於上聞一曰酌調兵勇各省練兵防
勇動以萬計朝廷不惜鉅帑養之於無事之時一旦有
警輒復紛紛新募而防勇練兵乃逍遙乎事外是此以
久練之軍有著之餉空置於無用之地彼乃以有用之
地徒倚於未練之軍懸望於無著之餉也不亦傾乎故
今日兵勢必當酌調內地各省兵勇移防沿海各省卽
沿海各省亦當酌調腹地散布諸軍移防海濱要口其
調出諸軍非有大事不許藉詞募補庶於籌兵之中卽
寓籌餉之道一曰嚴核中飽州縣交代每多虧空甚至
捏報水旱歲以爲常名曰例災則地丁之中飽也釐卡
稅關徵多報少處處皆然積成錮弊而四川各州縣田
房契稅亦侵蝕巨款則釐稅之中飽也各省綠營防營
多屬虛耗歲帑半入私囊故平時既不願裁有事又不
任調則兵餉勇餉之中飽也此其弊通國知之而莫可
如何蓋督撫藩司不肯認真耳一認真則弊可立除如
前任陝西藩司李用清江西藩司李嘉樂不過稍爲核

實其奏銷銀數入款皆歲增數萬出款皆歲減數萬可
爲明證而現任閩浙總督譚鍾麟則在陝西藩司任內節
省欠餉至五十萬尤其卓著者也今海上用兵司農仰
屋各省大吏自當事事核實涓滴歸公以佐國家之急
應請飭下各該督撫破除情面認真查核務使挽回積
習裨益餉需否則軍儲不繼必將搜剔利孔重困斯民
非計之得也以上各條皆當務之急際茲時事艱難不
敢不直陳於聖主之前以備採擇是否有當伏乞皇上
聖鑒謹奏光緒二十年十月日

樞臣貽誤軍務請旨分別治罪訓飭疏

奏爲樞臣種種貽誤請旨分別治罪訓飭以除積習而
維全局恭摺仰祈聖鑒事竊維此次軍務之壞李鴻章
固無可道而實由於軍機大臣等黨同蒙蔽苟且因循
以至於此言事者屢以爲請皇上厚待大臣未嘗有所
懲治苟可冀其激發天良盡心國事臣等何敢多瀆無
如積習彌甚時事日非皇上若多一日之優容全局卽
多一日之敗壞情危勢迫有不得不痛哭陳詞於君父
之前者夫朝廷之設立軍機大臣所以辦軍機也乃該

大臣等曾不顧名思義兵事悉謗李鴻章逮諸臣交詆北洋宜可少悟矣詎九連城既失亦復不設一謀仍請旨問計於該督揆其用意不過以爲若有貽誤罪有攸歸既可卸若輩之肩又可塞皇上之責危而不扶焉用彼相凡李鴻章之所奏無不曲意奉承雖明知其非未敢駁斥而獨於聖心之所向或用一人或行一政凡不愜於彼意者則必曲說以阻撓之否則舞文以蔽混之臣等實不解該大臣等於李鴻章情何其親而於皇上膽何其大也征倭以來諸臣章奏無慮百數十件矣皇

上虛衷委任悉令該大臣等議其可否乃故擇無關緊要者行之其有必應辦之事匪曰窒礙卽曰張皇如所請簡派統帥設立糧臺京城團防天津團練紮地營之法調諸省之兵僱募漁船籌備軍械等事皆當日之所謂難行者其後又皆一一行之而著著落後緩不濟急如以爲是胡不早行如以爲非胡又舉辦皇上若以此詰責之不知其何辭以對謂非有心遲誤故與敵以可乘耶牙山旣潰始調各軍平壤旣逃始委宋慶每遇一次警報卽添令數人募軍數日後便不復問甚或朝令

少改毫無主張果其智有所不足乎抑私欲錮蔽之乎
特其貪戀利祿不欲戰而欲和冀可苟安無事獲保餘
年耳卽此而論豈大臣之用心哉至於樹黨擅權怠廢
公事歲入苞苴無數與外吏相勾結猶其罪之小焉者
也翁同龢李鴻藻前者會議之時嘗退語人曰我等無
權純是軍機大臣作主一若深惡五臣之把持牽制而
唏噓以爲無可如何也者既奉入直軍機之命人心爲
之一振皆以爲從前積習可自此除矣雖速效未可驟
期而舉動必有大異乎曩昔者乃數日以來仍無布置
倭兵自皮子口登岸爲數不過數千人日行不過十餘
里來已經旬絕不聞速遣兵將迎頭邀擊而竟束手以
失金州是積習猶如故也豈該五臣之仍行把持乎抑
翁同龢等之故事依違乎此則欲索解而不得矣臣等
忝司言責目擊時艱實有見夫諸臣誤國之罪未敢避
嫌怨而不言伏求皇上明降諭旨將禮親王世鐸等五人
明正其罪並將翁同龢等嚴加訓飭令其力矢公忠盡
歸籌畫一矯從前黨同蒙蔽苟且因循之習庶今日之
軍務或有轉機不然則亦非臣等所忍言矣謹合詞恭

摺具陳不勝悚惶待命之至伏乞皇上聖鑒謹奏光緒
二十年十一月日

寇氛熾肆宜統籌全局疏

奏爲寇氛熾肆布置萬難稍緩亟宜統籌全局以定軍
心而圖恢復恭摺仰祈聖鑒事竊倭夷自渡鴨綠江而
後九連城岫巖金州旅順相繼失守警信疊傳人心惶
懼雖云該夷器械便利抵禦甚難而實由我軍略無布
置將領士卒又各有一和字時在胸中以致進不相助
敗不相救刻下遼陽勢處危岌海防門戶已失其半若

寸草廬奏稿

卷一

八四明叢書

約園刊本

不速籌定策患有不可思議者夫用兵之布勢宜遠宜
緊遠則不受敵人擣虛之害而運用可以無滯緊則不
犯兵家孤立之忌而聲勢可以相聯今卽不能乘其金
州旅順新勝之兵布置未定銳意進攻際此天寒冰凍
正宜將各路徵調招集諸軍通盤籌算分授機宜以枕
戈寢甲之謀作破釜沈舟之計轉瞬開河庶不至束手
無措謹抒管見爲我皇上一一陳之奉天西南濱海一
隅防固不可少疏東南現爲百戰之區欲求得手至少
亦須精兵六萬竊謂六萬宜分爲三路南一路用二萬

以二將統之專取岫巖蓋金以規旅順中一路須三萬
一作正兵一作奇兵一作接應專取鳳凰廳九連城以
攻朝鮮北一路須一萬專取寬甸以防彼軍斷我後路
再有老謀深算之經略居中調度而督率之庶軍聲可
振而失地可復矣此鴨綠江以西亟宜布置之情形也
至吉林琿春緊與朝鮮接壤足以拊朝鮮之背而擣其
中堅俄人雖在海參威實徧處此而釁隙未開尙可不
深逆億惟倭奴併力西向琿春一路久爲其所不防我
欲撓其西向之謀不得不密定東征之策臣謂欲從吉

林進攻兵數亦須四萬以二萬出咸鏡道二萬駐琿春
以壯聲援再募東山銃手三千由長白山開道出朝
鮮之北暗暗埋伏俟東西兩軍夾攻吃緊之時出其不
意猝然勃發真有勢踞上游利如破竹者此鴨綠江以
東亟宜布置之情形也兵數旣多餉需亦鉅然事勢至
此爲宗社安危所繫豈能循數米量鹽之智捐天下而
委棄之如有濟於事雖欠國債萬萬猶當不恤況我國
家地大物博當不至萬分棘手耶惟帥才難將才亦匪
易目前前敵諸軍首屈者惟朱慶爲最其次則聶士成

猶能力贖前愆餘無聞焉然人才之興半由激厲現聞
兩江總督劉坤一已抵德州伏願皇上乾綱獨斷畀以
統帥之權將李鴻章立予罷斥其餘逃官怯將若依克
唐阿衛汝貴龔照瑛諸人速正典刑勿稍寬縱而又詔
下求賢俾奇智異能之士各得及時自效則異懦者咸
知微懼忠勇者自然奮興矣至於屯儲糧糈購辦軍械
及時豫備無所用其遲回亦無所用其顧惜凡此數端
非徒先事而預防實屬臨機之當決若猶泄泄沓沓長
此因循萬一賊渡遼河搖動根本爾時雖有廉頗李牧
亦將無用政府臣工能不念我皇上宵旰勤勞而可日
復一日築室道謀已耶臣念切杞憂涓埃未報用敢不
揣冒昧披瀝上陳是否有當伏乞皇上聖鑒訓示施行
謹奏光緒二十年十二月日

請兼顧東防片

再倭以第二軍第三軍擾我遼瀋其第三軍探報均稱
出海而夷情狡獪迄今尙不能測其所向之方議者或
謂其將犯江南然竊以兵情地勢揆之山海爲畿輔咽喉
威海爲南洋門戶彼欲進窺山海必先得威海而後

伸縮自如此理勢所必然故言津防者不能不顧東防也威海左右島嶼紛歧淺港沙灘處處皆可以登岸近聞倭於榮成之間測水量沙將復邊皮子窩之故技守將戴宗騫張文宣頗思邀擊而丁汝昌奉北洋之命力阻其行夫不擊之於數十人初登之日而擊之數千人成列之時其難易較然愚智共曉丁汝昌擁兵縱寇所不必言獨不識李鴻章何心而下此養癰成患之軍令必欲使威海之防等於旅順之防一潰而而不可收拾也諸將非必無戰志有大帥爲之掣肘雖智勇亦無所

施待其既敗駢首而戮之孰若先其未敗指揮而用之乎爲今之計不煩周折但由督辦軍務處發一電報飭令守將見賊卽擊毋令一一登岸卽已三軍用命效死無貳矣此事發端甚微關係甚大仰乞皇上飭下軍務處立予施行以固東防謹附片具陳伏乞聖鑒謹奏光緒二十年十二月日

魏光燾前赴山海關請毋庸歸吳大澂節制片

再臣聞前藩司魏光燾統軍北上業將抵津奉旨令赴山海關歸吳大澂節制竊思該藩司前在甘肅任內曾

經護理新疆巡撫其名位與吳大澂相埒且該藩司卓著戰功現歸吳大澂節制竊恐阻其奮往之氣不足以服湘軍之心八月平壤一役朝廷派葉志超爲總統犇士成諸軍均歸節制以致眾心不服軍士解體敗壞決裂至今猶難收拾鑒前懲後覆轍堪虞可否收回成命令該藩司前赴山海關與吳大澂會同辦理之處出自聖裁是否有當謹附片陳明伏乞聖鑒謹奏光緒二十年十二月日

請飭查核浙江防軍虛額疏

守舊虛稿

卷一

十三四明錄

約園刊本

奏爲浙江防軍半多虛額請飭嚴密查核以杜侵冒而重籌防恭摺仰祈聖鑒事竊查浙江舊設防軍楚湘水陸營旗以及提定各標之練軍撫標之洋鎗隊按之冊報官弁勇兵不下一萬四千餘名若果一無虛額操練精勤儘可衝鋒克敵豫備不虞無如舊時防軍率多虛冒此次海防事起思欲彌補牽混不得不有添募勇營挑選練軍之舉然撫臣苟能仰體時艱力挽積習懲從前之虛捏俾一兵得一兵之用則緩急猶有可恃乃以臣所聞新募勇營祇足補舊營之虛額新加練軍

且不足數總領統帶名目既分號令不一而兵心因之
易渙也教習哨長但博薪資不諳訓練而營規因之愈
弛也寧波舊有防勇今復加增並添薪水名爲寧防實
則僅防寧紹台道吳引孫之衙署而府城之明火搶劫
置若罔聞也親軍差官優給月餉又添水師廣勇配以
釣船四號名爲定防實則提督張其光借此安插私人
而地方之騷擾不恤也似此有名無實虛糜餉糈轉瞬
封河難保倭寇不擾及南洋伏乞飭下浙江巡撫嚴密
稽查切實籌備凡舊有營勇與新募各軍務令足額勤
加操演免致臨時貽誤至統領營務處及辦理前敵支
應等官尤宜破除情面遴派勤慎廉幹之員於防務方
有實濟勿令濫竽充選致僨事機臣爲籌備海防實事
求是起見謹恭摺具陳伏乞皇上聖鑒謹奏光緒二十
年月日

浙海兵輪修理浮報請飭密查參究片

再元凱超武輪船調赴浙江本爲巡緝洋面之用近年
則專伺大吏迎來送往而於海盜之爲害地方從未認
眞搜捕以致盜風恣肆商旅寒心地方問刑衙門層見

疊出之案均可查也尤可駭者超武兵輪上年甫經修造爲款甚鉅本年正月閒僅換鍋鑪四隻浮報經費至二萬八千餘兩之多聞係支應局司道與候補同知余乾耀候補通判司廷楨朋比侵漁相應飭下浙江巡撫嚴密訪查據密參究以靖海盜而警官邪謹附片陳明伏乞聖鑒謹奏光緒二十年十月日

請嚴定防營薪餉軍器核銷限期片

再各省防營所需餉乾薪水製造及購買軍器等項在初設之時則應核定銀數造冊報部立案在既設之後

則應按年開列用款造冊送部核銷向章各有定期並非漫無限制乃近年各省督撫遇有添設防營往往遲之又久始將立案之冊與核銷之冊先後報部其中用款或有浮多經部駁各省又並不及時查覆追繳再三究詰則以經手各員等或已物故或已離營無從追繳爲詞開貪吏諉卸之門滋奸胥需索之弊浮銷影射習爲欺朦殊非慎重度支之道應請旨飭下戶部將各省防營應需餉乾薪水製造及購買軍器等款申明立案核銷兩項限期並嚴定逾限處分庶不至時易境遷

虛實莫辨而浮銷影射諸弊或可稍清矣臣爲慎重度
支起見謹附片陳明伏乞聖鑒謹奏光緒二十年十月
日

請整頓契稅片

再查例載凡置買田地房屋價銀每兩納稅三分州縣
官於原契後黏給司頒契尾其契尾編列號數於前幅
細書業戶姓名及田房價銀契稅各數於後幅司印處
大書契價稅銀數目如契價在千兩以下者令業戶看
明當面騎字截開前幅給業戶收執後幅同季冊彙送

艾草廬奏稿

卷一

十五 四明叢書

約園刊本

布政司查核契價在一千兩以上者各州縣將所填契
尾黏連業戶原契按月申送知府直隸州查驗直隸州
申送該管道員查驗該上司驗明契尾截裁兩半定限
十日發還州縣一給業戶收領一存俟彙送藩司稽核
倘州縣不按月申送或道府直隸州查驗不力及逾期
不給或已給而州縣不卽發交業戶收執者均分別處
分又州縣侵肥稅銀祇於契紙鈐印不黏給契尾者嚴
參治罪等語定例綦嚴自當恪遵辦理乃近年各省州
縣專事侵漁違例收稅如四川陝西等省竟至價銀一

兩收稅八九分至少亦在六分以上其餘各省大略相同又不黏給契尾編列號數書明契價稅銀數目隨同季冊彙送藩司以致例定三分之數歸之公家者亦十無一二上則欺國下則病民莫此爲甚現在軍務孔棘籌餉維艱應請飭下戶部悉心核議參酌舊例更定新章務使涓滴歸公不使絲毫加派庶於國課民生兩有裨益管見所及是否可行謹附片陳明伏乞聖鑒訓示謹奏光緒二十年十月日

力爭和議疏

寸草廬奏稿

卷一

十六四明樓書

一約圖刊本

奏爲邪說誤國請奮宸斷收回成命以全國體恭摺仰祈聖鑒事竊以倭人犯順殘我屬國偪我陪都凡在臣民各懷滅此朝食之憤前聞有議和之說旋即停止仰見皇上天威獨斷小醜指日可平乃近忽傳諭旨以張蔭桓邵友濂爲全權大臣詣倭乞和舉朝震驚同聲悲憤不知何人敢爲皇上主此議者恐大事從此去矣日來傳聞倭意不願邵友濂指名須李經方前往夫堂堂中國偶因兵事小挫遂屈體於蕞爾之邦至於我之遣使由彼爲政彼氣愈驕我顏愈赧彼方偃蹇而不顧我

更匍匐而乞憐伊古以來有此國體有此人情乎聖德如天於物何所不容但恐爲邪說所誤未深思其禍患耳臣等竊謂此事若行有足以立致危亡者十端敢爲皇上披瀝陳之夫今之降心相從者必首曰償兵費也當三空四盡之秋求累萬盈千之款雖竭四海生靈之膏血不足以給之財匱力盡怨叛將興邊隅之患方殷內訌之禍又起其足致危亡者一倭旣得我兵費益將厚集師徒增修戎備是爲虎傅翼助敵自攻倭當窮餓我尙不支縱令富饒勢將焉禦其足致危亡者二而議

者猶恐賠費爲未足也則必割地以媚之我之疆宇有限彼之貪壑無涯所謂抱薪救火薪盡而火不止以肉餵虎肉盡終必噬人其足致危亡者三且他國見我之易與也援均沾之例競相效尤今日某國要某省明日某國要某府現帕米爾西藏緬甸界務皆未勘定明年又俄法換約之期勢必乘機要挾一倭尙不敢較百倭更復奈何坐使二萬里完善之山河一朝破碎其足致危亡者四夫兵者易發而難戢者也陳涉興於戍徒李闖發於驛卒今徵師且十萬矣和則無所用無所用則

必資遣之所費衣糧猶其小也資遣一有不慎則散爲
游勇恣行流剽合十數省敵愾同仇之士一變而爲揭
竿亡命之徒勦之不忍縱之不能設更教民煽動其閒
則且禍熾燎原勢成滋蔓江寧約定而粵匪亂生前鑑
昭然其足致危亡者五幸而安遣得所不生他變矣而
萬里征行不令見敵而返朝廷以干戈爲兒戲將士視
詔旨如弁髦他日復有徵調必至觀望游移坐視君父
之急而不救驪山烽火可勿鑒乎其足致危亡者六始
以電議不諧遂致遣使遣使不已必至納質納質不已

則凡臣子所不忍設想之言何莫非史冊顯有明徵之
事蒙垢忍辱終必由茲其足致危亡者七況倭人狡黠
絕倫見我迫切求和彼且將計就計陽款以怠我士氣
陰進以乘我不防行人在途敵兵已集應敵則慮於失
好斂手則惟有胥殲其足致危亡者八卽曰倭人力倦
罷兵而不我侵而主議諸臣必自居保衛之功愈使其
恫喝之計向猶蠅營狗苟施狡獪於冥冥之中今且權
勢日重黨援日多明目張膽恣無顧忌無事則挾夷以
爲重有急則賣國以求榮勢將威柄下移積重不返外

則爲赧獻之受制於權臣內則爲唐宗之受制於家奴
噉泣何追噬臍已晚其足致危亡者九張蔭桓一邪佞
小人耳平時惟存富貴利達之心臨事安有扶危定傾
之力使之銜命求成必至召侮辱國至李經方前使日
本與倭人深相結納以資本數百萬在彼國貿易今年
開釁之後私運大宗煤米潛往濟寇現在私匿上海洋
行中改姓爲許收買金葉數萬兩託他國公司船運至
日本用意殊不可測且聞倭人之意直欲以劉豫張邦
昌待之此次指名相索其意可想若使赴倭勢必與之
合謀要挾隱遂其不臣之心其足致危亡者十一舉事
而十禍隨章章如是其他非理之要求無厭之婪索猶
不能悉數焉雖甚昏愚猶知不可而簡書之使臣竟敢
企悚而承命秉鈞之羣輔竟忍緘默而懷欺不料我國
家養士數百年乃士氣沮喪人心苟且一至於此而皇
上不得已而徇其請者豈以爲軍無鬪志將鮮成功遂
隱忍出此歟臣等以爲軍無鬪志將鮮成功者有致誤
之道三一誤於戰事之有名而無實二誤於奸臣之結
黨而營私三誤於潰將之稽誅而玩法爲今之計惟簡

軍命帥練器儲糧合散隊以爲大軍蓄全力以資大戰
廟算之指揮一定諸軍皆奮發無前如是則一誤去矣
外斥李鴻章內去壹志主款之大臣等則表裏爲奸者
無所施其伎倆忠勇奮往者乃得效其謀謨如是則二
誤去矣敗壞海軍之丁汝昌失守要隘之龔照瑛衛汝
成趙懷業等勿因李鴻章之曲請而稍寬其誅使將士
知避敵者必死則必震栗畏罪踴躍赴敵如是則三誤
去矣去此三誤將人各致死戰必有功此而猶有敢以
款議熒惑聖聰者臣等不之信也伏願皇上亟申乾斷
收回成命毋貪旦夕之苟安如不自振作旦夕不可安
也毋冀豺狼之我憐雖俯首就地豺狼不我憐也以臥
薪嘗膽激發二十省忠臣義士之心以整軍經武繼承
二百年聖祖神宗無競之烈則恢復無足道小醜何足
平天下幸甚所有昧死激切籲懇緣由謹合詞恭摺具
陳伏乞皇上聖鑒謹奏光緒二十一年二月日

寸草廬奏稿卷二

鄞張嘉祿肖菴著

浙東水災江塘衝決請飭籌堵築並振撫疏

奏爲浙江猝被水災江塘衝決請旨飭下浙撫速籌堵築並行振撫以奠民居而全民命恭摺仰祈聖鑒事竊臣等聞浙東地方於六月十三十四等日狂風暴雨晝夜不息蛟水陡發以致上虞縣屬之曹江各塘如前江後郭趙家壩余家埠以及梁湖等處相繼衝決平地水深五六尺勢甚洶洶不獨禾稼盡沒漂廬墓而溺人口

寸草廬奏稿卷二

一四明叢書
約圖刊本

不可勝數紹興之會稽嵊縣諸暨餘姚甯波之鄞縣慈谿奉化鎮海定海同時被災田禾廬舍多被淹毀又聞杭州禾棉受損東陽水亦驟漲我皇太后皇上軫念民依偶值偏災無不恩膏立沛地方官有牧民之責想已仰體聖懷妥爲安輯而欲爲弭患計則尤以堵築塘工爲急務臣等查曹江在上虞境內上連新昌嵊縣萬山重疊眾流奔赴下接大海潮汐衝突其境內江塘一帶實爲餘上鄞慈四邑之障道光三十年後郭決口上虞餘姚盡遭淹沒共禍且及鄞慈等縣布政司汪本銓親

詣塘上撥款興築擇紳士之賢者任之采用鄉議剏修
臨江大牆於是江塘有重關之固咸豐同治年間屢次
修築光緒七年被潮衝決十五年霪雨爲災決口多處
而下游之餘姚鄞慈各縣同罹水患一片汪洋幾成巨
浸此其前鑿曹江之險甚於海塘山水陡發之時一逢
大汛海潮西上而山水邊之江水東下而海潮阻之逆
則橫流禍且不測今已決口若不速爲堵築瞬息秋汛
恐泛濫四出受患滋甚籌振益無窮期爲一時救災計
須放急振爲後日弭災計須築塘工此時災民麇集以
工代賑則又一舉而兩得焉用敢請旨電飭浙江撫臣
督令該縣會同地方公正紳耆妥速籌堵撥款興築毋
假吏胥之手以期堅實而澹沈災並飭各屬查明災區
分別振撫則昏墊餘生庶無失所之憂矣臣等籍隸浙
江見聞旣確謹合詞具陳伏乞皇太后皇上聖鑒謹奏
光緒二十五年七月十一日

浙江盜風熾肆請飭認真搜捕疏

奏爲浙省盜風熾肆請飭地方文武員弁認真搜捕以
衛民生而弭隱患恭摺仰祈聖鑒事竊查浙江地處海

濱島港叢雜最易藏奸所賴官斯土者外則梭巡兜拏
不遺餘力內則多購眼綫嚴懲窩頓庶盜風可稍戢也
乃近來浙江大小將弁視出洋巡哨爲具文各防汛又
互分畛域遇有失事之案彼此推諉至責無可卸始行
追捕而盜已遠颺矣州縣官則規避處分其有獲匪送
懲者非移重就輕卽巧爲開脫甚至劫戕隕命求請相
驗勒令改爲情急反鬪致傷事主方許收納呈詞限期
比緝否則斥爲藉端恫喝驅逐弗問遂致盜風充斥民
不聊生臣請先卽海盜之已有成案者言之浙省商船
以販運米糧木植爲大宗自海盜不靖被劫者至數百
起之多屢控未獲商旅視爲畏途岱山翦刀坪一帶久
爲盜藪搶奪之案層見疊出又好持眾械鬪上年與合
州漁戶構釁幾乎釀成巨禍舟山航船裝載多人素無
疏虞去冬竟被行劫此盜之在洋面者也今則內地公
然爲患卽如鄞縣之小溪橫溪大嵩奉化之忠義松林
等處皆成盜窟慈谿縣城廂內外本年春閒被搶之家
不下數十姓有盜首名尤田雞者在奉化縣境招集匪
徒三四百人肆擾街市白晝擄掠居民日夜慘愁列炬

而守者比比皆是該盜首身帶短洋槍四杆出入乘坐官轎前呼後擁莫敢誰何凡漁船出行尤田雞議取規例錢若干官照而外必須領其盜照方可開駛否則當遭毒手是視海盜之出沒無常恣橫更甚矣似此藐視法紀實誤於地方官之姑息縱容沿爲錮習且所置元凱超武輪船與上年添設之護商師船名爲防盜實則虛糜餉項於緝捕毫無實效誠恐近時游勇四散句結煽惑貽患更復不淺所謂養癰必潰治之宜早者也用敢請旨嚴飭地方文武員弁將緝捕事宜實力整頓輪船與護船周歷巡查其著名盜魁盜窟及夷淨盡州縣官有諱飾消弭廢弛捕務者立即撤參庶莠民不爲句結而閭閻得以安謐矣臣籍隸浙江既有所聞不敢安於緘默謹恭摺具陳伏乞皇上聖鑒謹奏光緒二十一年五月日

請安置鎮海防軍並嚴劾在事官吏片

再鎮海口自設防以來虛糜帑項不知凡幾而提督張其光昏耄廢弛副將費金組知府馮相華惟以吸食鴉片煙爲事參將鄧驄保日事賭博在營納妾並干預地

方訟事總辦前敵支應吳元鼎自稱寧紹白道吳引孫之叔以一縣丞而夤緣要差挾妓飲酒毫無顧忌堵塞海口需用船隻先將商民新造之船四處查封迨有人闕說受賄放行則始議買舊船價值亦未付楚其梅花椿應用大木則均向木行勒借近聞造冊報銷卽此二項浮開甚鉅其餘侵蝕不一而足似此劣迹昭著之員弁相應請旨飭下浙江巡撫認真查辦以懲其餘至此項防軍毫無紀律現在和局已成不久卽須裁撤若不善爲安置勢必四散滋擾貽害地方應請一併飭下浙江巡撫責成張其光將應補應發餉銀預爲籌備免致臨時滋生事端並飭管帶各員嚴加約束於資遣時除本地招募勇丁不計外餘則均令派員押送由鎮海口用輪船裝往各該勇丁原籍分別遣散不准一名逗留庶足以弭隱患而靖地方是否有當伏乞聖裁謹奏

光緒二十一年五月日

七月初六日奉

上諭前據給事中張嘉祿奏浙省盜風熾肆並奏參提督張其光等當經諭令廖壽豐確查具奏茲據奏稱浙

江台州土匪上年經防軍兜勦匪踪竄匿鄰境致甯波府屬之奉化縣時有劫奪案件迭經嚴飭文武各員分別緝拏惟匪首尤田雞尙未弋獲著廖壽飭屬勒限嚴緝該地方官儻有違飾情事卽行從嚴參辦提督張其光查無廢弛之處總兵費金組知府馮相華並無嗜好均着免其置議玉環營參將鄧驄保查有在營納妾情事着撤去輪船管帶開缺以守備降補縣丞吳元鼎年輕尙氣不知遠嫌着卽行革職勒令回籍餘著照所議辦理該部知道欽此

請禁止呂宋賭票疏

奏爲商民行使呂宋票受害無窮請飭申明舊章嚴行禁止以塞漏卮而弭隱患事竊查光緒八年十二月十六日奉上諭有人奏外洋呂宋票賭局近日湖北江西浙江江蘇等省往往不肖之徒公然開設行棧廣糊招帖領票轉售從中射利於風俗人心大有關係著令嚴行禁止查拏懲辦等因欽此旋經刑部議奏呂宋票出自日斯巴尼亞國實與中國商民受害匪淺嗣後如有發貼招帖之華人責成地保客寓捕獲一名給錢二千

文得規窩頓隱容不首者分別革究枷示如獲有主使發帖之人卽照造賣賭具例發邊遠充軍夥同代貼招帖之犯照販賣賭具爲首例杖一百流三千里地方居民人等再至租界買回發售一經查知姓名得彩等犯均照爲從例杖一百徒三年請旨飭下湖北江西浙江蘇各督撫一體飭屬照辦光緒九年三月十二日奉旨依議欽此仰見皇上爲民除害意美法良凡在臣下理宜恪遵無如官吏但視爲具文而不知立法之深意商民遂狃於圖利而轉致受害於無窮查呂宋賭票外

洋各國久懸厲禁惟銷售於中國最廣聞其售票章程每月出售五萬號每號售洋銀六圓至每年六目分十二月分改爲大票每號售洋銀十二圓統計一歲售出洋銀不下四百二十萬圓卽使得彩之數盡歸中國不過三分之一況每歲傳聞華民得彩者不過一二其餘爲賭局詭匿可知而愚者執迷不悟卽智者明知有詐亦妄冀一得遂至庸工販豎月得洋銀數角亦買其十開小票一張以覲什伯倍蓰之利一舉不得更圖再舉愈輸愈買愈買愈輸終歲勤勞都付一擲智窮行賤謀

貪無門不肖之心由此而起其害有不可勝言者此項賭票初僅行之租界往往詭寄呂商積久暢行遂及通商口岸今則輦轂重地亦公然大張招帖領票轉售目無法紀若斯已極風俗人心曷堪設想應請飭下刑部及總理各國事務衙門申明舊章轉行南北洋大臣各省督撫並步軍統領衙門順天府五城御史通飭所屬嚴行禁止一面請旨飭令出使美日祕國大臣先期知照遇屬更約年分務將呂宋賭票一項諭以利己損人永行停止庶幾內治既修外患亦絕臣爲天下風俗人心起見是否有當伏乞皇上聖鑒謹奏光緒二十年六月初十日

光緒二十年六月初十日奉

上諭給事中張嘉祿奏商民行使呂宋賭票受害無窮請飭申明舊章嚴行禁止一摺呂宋崇流中國前經刑部將發貼招帖及窩頓容隱並貪竊販賣各項人等嚴定罪名通飭湖北浙江等省一體禁止乃奉行日久仍屬具文甚至京城地面亦有大張招帖領票轉售之事殊爲風俗人心之害著刑部步軍統領衙門順天府

五城御史南北洋大臣申明舊章一律嚴禁毋得虛應
故事並著總理各國事務衙門咨行出使大臣設法阻
止以杜漏卮原摺均著抄給閱看將此各諭令知之欽
此

兵輪管駕積習太深請飭認真選汰疏

奏爲輪船管駕積習太深請旨飭下該管大臣認真選
汰以資整頓而重籌防恭摺仰祈聖鑒事竊維籌備海
防莫要於輪船駕駛輪船必資夫管帶際此創鉅痛深
之會爲懲前毖後之圖重整海軍添購戰艦全賴沈毅

寸草廬奏稿

卷一

九四明策書

約園刊本

篤實通曉水師之管駕平時講操演駛行之法臨敵諳
迎勦截擊之方庶足圖自強而禦外侮乃以臣所聞南
洋開濟南琛南瑞超武等兵輪管帶員弁率多貪逸憚
勞有名無實置操練於不問以酬應爲專長日在花天
酒地之中徒供送往迎來之役其船中水手升水匠役
人等薪糧虛額剋減藉充私囊偶聞海警逗留規避習
爲慣常似此巧猾貪懦現在北洋新購海容海籌海琛
三快輪與福建船廠修竣之元凱練船甫經派定管駕
儻相率效尤一旦有事倉猝徵調百不應手甲午之役

致遠靖遠等船之毀棄前鑿匪遙可爲痛惜相應請旨
飭下南北洋大臣與福建船政大臣嚴密稽查認真整
頓凡貪劣恇怯不習水師專事逢迎之管駕立行罷斥
勿稍瞻徇申以紀律定其賞罰務使一船得一船之用
庶不負朝廷整軍之意而免外人非笑之騰臣爲慎重
籌防實事求是起見是否有當謹恭摺具陳伏乞皇太
后皇上聖鑒謹奏光緒二十五年六月日

請飭清查舊存軍火器械片

再浙江省現辦防務需用軍火器械聞紛紛又向洋商

購買溯查浙江省自光緒二十年六月起籌辦海防第
一次用款先於二十一年四月奏請立案其時臣在戶
科給事中任內曾將清單細閱所購槍礮子藥銅帽水
雷旱雷地雷電箱電光燈價值重大種類繁多現經浙
江撫臣造冊請銷猶確鑿可稽也當時並未開仗購買
各件其必一無損失可知苟收藏經理之得宜值此重
整防務之際儘可分撥應用稍杜虛糜用敢請旨飭下
浙江巡撫將前購軍械照單清查現在統存若干分晰
具奏免與新購物件混淆牽合是亦重軍儲慎度支之

一端也謹附片陳明伏乞聖鑒謹奏光緒二十五年六月日

請開三門灣商埠疏

奏爲浙江三門灣形勢緊要請旨飭開商埠以杜窺伺而重籌防恭摺仰祈聖鑒事竊維先發制人用兵之要義有備無患經國之良圖浙江之三門灣濱海環山可藏巨艦其間島澳紛列尤足資控制而裕利源閩從前刑部候補主事王詠霓自隨使泰西歸有於此地足闢船塢之請本年春閒義國向我租地浙江撫臣劉樹堂

寸草廬奏稿

卷二

十四明鏡書

約閱刊本

電請總理衙門有於此地自開商埠之議謀慮所及具有遠猷目下義國雖已寢謀而既爲外人所垂涎不能不籌先時之曲突揆時量力庫藏既未充盈船塢祇從緩辦若度地自開商埠預佔主權作先事之圖維未始非無形之牽掣或謂開設商埠一切經費籌款良難矧該處土產無窮若專恃洋貨爲大宗無論徵收稅鈔未必暢旺即使日有起色而界在甯甌兩關之間盈於此者必絀於彼欲以收利轉恐失算不知商埠之耗損有數而海防之鉅糜無窮若非拔幟先登綢繆未雨儻別

國復從而覬覦一波甫平一波又起則沿海之地疲於設防通盤計算孰少孰多不待知者而辨矣且該處距南田僅隔龍頭淺港南田本屬禁山自開墾以來可畝約有數萬畝之多特以濱海之區盜蹤易集卽金漆門等處閒或派兵巡緝而防不勝防每逢秋穫強割肆行其閒固尙有地未成熟者卽有熟地亦未升科今若開設商埠則士卒梭巡旣可清萑苻之淵藪農民麩至卽可化瘠壤爲膏腴於以報部升科一舉而數善備似於安內攘外兩端不無裨益應請飭下總理各國事務王大臣並浙江撫臣迅速籌設量度施行庶上以抒朝廷宵旰之憂而下以杜強鄰覬覦之漸臣籍隸浙甯據所見聞謹恭摺具陳皇太后皇上聖鑒訓示謹奏光緒二十五年八月初十日

奏派抽查漕糧謝恩摺

奏爲叩謝天恩恭請聖訓事本月初五日都察院奏派抽查漕糧奉旨派出臣本貴臣張嘉祿伏思漕糧爲天庾正供稽察巡防在均關緊要臣等欽承恩命自當殫竭心力釐剔弊端如臣等知識禱味懼弗克勝惟有

仰承聖訓俾得識所遵循庶幾勉竭駑駘無貽隕越以期仰副朝廷慎重倉儲之至意所有臣等感激下忱謹繕摺叩謝天恩伏乞皇上聖鑒謹奏光緒十六年三月初六日

謹陳驗收米數並閱視石壩摺

奏爲謹陳現在驗收米數並閱視石壩情形恭摺仰祈聖鑒事竊臣等奉命抽查漕糧於謝恩請訓後遵卽查照向例先期赴大通橋視事所有應辦一切事宜均於漕艘未集之先督飭大通橋監督預爲妥辦並移咨順

才草廬奏稿

卷二

十三四明叢書

約園刊本

天府府尹揀派文員及巡役分布各關巡緝偷漏其城河上下號房等處經倉場侍郎添派委員巡查臣等仍嚴切面諭該委員及巡役等晝夜按段實力梭巡並經出示曉諭各關嚴禁偷漏攙和等弊嗣於四月初二日米石到橋臣等督同大通橋監督認真查驗當面抽掣隨到隨掣隨掣隨運現在到橋之米每日計四十船或三十船不等所有抽掣米石四十船中約一萬一千餘石照例每五十袋抽掣一袋每袋准折耗一升五合如例外短欠逐一填記紅單以便造冊彙咨戶部及倉場

衙門責令經紀照例折賠並核其欠數之多寡將押米之代役船戶分別枷責懲辦至所驗米色核與坐糧廳移送米樣尙屬相符茲據大通橋監督呈報自四月初二日起至二十二日止計到橋江省正供洪斛粳米共計一十七萬四千五百三十石經臣等逐日查抽實計搬運過橋洪斛粳米共一十七萬四千五百三十石已由該監督分運各倉交納臣等於四月二十日同赴石壩親行閱視其在後續到漕糧臣等仍當隨時認真抽查督催迅速轉運以期仰副朝廷慎重倉儲之至意除

寸草廬奏稿

卷二

十四

四明叢書
約圖刊本

俟漕糧全數完竣再行具陳外所有臣等驗收米數及閱視石壩大概情形理合恭摺奏聞伏乞皇上聖鑒謹奏光緒十六年四月二十六日

省墓假滿到京覆命摺

奏爲恭覆恩命仰祈聖鑒事竊臣奉命典試湖北當卽偕正考官臣劉啟端星馳就道屆期入闈取士如額揭曉後由湖北撫臣譚繼洵代奏請假回籍省墓奉硃批著賞假一箇月欽此假滿起程北上現在到京理合恭覆恩命伏乞皇上聖鑒謹奏光緒十七年十月日

專案報銷五城練勇局收支銀兩摺

奏爲五城練勇局收支銀兩按照部章支放實銀除十七年十二月以前業經報銷外謹將十八年正月截至十二月底止收支銀兩數目專案報銷恭摺會陳仰祈聖鑒事竊同治八年七月十六日奉上諭賈楨等奏外城練勇酌擬改併請旨遵行一摺著照所請練勇二百五十名分屬五城以供緝捕之用其部撥練勇每月一千兩卽由五城支領等因欽此當經議定章程每月歸各城分銀二百兩每年彙銷一次光緒八年因東城正

部駁銀三十六兩四錢統共銀二萬零三百零三兩七錢一分八釐一毫四絲一忽五微六纖內除局勇口糧長夫工食勇局房租局員薪水書吏工食買辦火繩領火藥車腳煤炭紙硃號衣皮襖修理軍器四季操賞三節犒賞剪耗補平等款計五城共用銀一萬六千六百五十二兩三錢七分七釐二毫五絲均造具清冊報部核銷其下存銀三千六百五十一兩三錢四分零八毫九絲一忽五微六纖應歸於下屆奏銷辦理除將清冊移送戶部核銷外理合恭摺具陳伏乞皇上聖鑒謹奏

廿草履奏稿

卷二

十六四明叢書

一約園刊本

光緒十九年九月十二日

監放粥廠完竣覆命

奏爲監放粥廠完竣恭覆恩命事竊臣等奉命稽察普濟堂功德林粥廠該兩廠例於上年九月二十五日起本年清明後酌度情形量爲加展歷經辦理在案每歲蒙恩賞給崇文門稅課銀二十兩京倉粟米八百石兩廠分領由順天府委員經理按年造報該府核銷臣等督率該委員等認真經理每名口用米七合早晚放給普濟堂男女各編號舍隔院居住自上年九月二十五

日開廠起迄本年三月清明後加展十日
至三月十八日止統養貧民十三萬二千三百七十七名口現已放出
仍留老幼廢疾貧民一百十九名口功德林向不收養
女口統養貧民十一萬一千三百五十一名亦於同日
放出並未存留合計兩廠共養貧民二十四萬三千六
百六十八名現在天氣暖
和貧民可傭工度日不致流
離失所堪以仰慰聖廑
所有臣等監放粥廠完竣緣由
理合恭摺具奏再原派御史臣趙時俊現蒙欽點會試
外場巡察差使在軛門住宿是以未經列銜合併聲明

寸草廩奏稿

卷二

十七四明叢書
約園刊本

伏乞皇上聖鑒謹奏光緒十八年三月二十二日

寸草廬奏稿後序

嗚呼先公捐館於今四十年矣自己丑秋始由詞垣爲御史時天下猶冥然無事也庚寅抽查漕糧駐大通橋地卑溼一日幾不能興而風痺實根於斯辛卯副考湖北暑往寒來形容益瘁癸巳旣巡視中城案牘紛繁躬自理之又復襄校秋闈從容衡鑑不以衰弱辭其勞也無何甲午中日釁起先公方擢給事中當事者調度乖方以致師徒撓敗坐失機宜先公盡焉憂之章凡十上馬關約定爭之不獲浩然言歸歸而嘔血盈升蓋痛履

寸草廬奏稿 後序

四明叢書
約園刊本

霜堅冰之有漸而勇言當世之得失皆不果用固鬱鬱久且深矣戊戌力疾還朝又值新舊遞嬗之際楊御史深秀門下士也被棄於市安御史維峻老友也遣戍邊疆寄諭壽鏞曰天威不測臣罪當誅願如國家元氣何則傷之者益切己亥春意大利兵船趨至三門灣索租借地先公以謂此地若爲外人所據則浙東形勢坐失莫如自闢商埠以抵制之於是繪圖貼說疏上奉敕浙撫密議他如兩陳浙東水災一陳浙省盜風並劾鎮海防軍腐朽兵輪管駕積習及請飭清查舊存軍械又爲

還朝後立言之犖犖大者夫物腐蟲生其來有自向者
既有三誤矣一誤於戰事之有名而無實二誤於奸臣
之結黨而營私三誤於潰將之稽誅而玩法此先公所
爲長太息者也

見力爭和議疏

不圖時甫五載三誤不去一錯

鑄成禍起蕭牆匪橫畿輔詩云相彼雨雪先集惟霧斯
之謂歟憶壽鏞己亥之冬由甬赴燕視先公疾時廢立
之謠譏正盛而大刀會已浸浸蔓延矣先公昕夕不安
某日聞將召九卿科道議之先公方疾劇曰是不爭烏
用臺諫旋事寢而疾遂不可爲時庚子二月也先公先
後居臺諫十年小子所及知者止此追溯往昔言念今
茲重刻先公奏稿凡二卷其表裏得以覈矣時庚辰九
月男壽鏞謹識

寸草虛奏稿

後序

二四明叢書

約園刊本

四明叢書

四明叢書
約圖刊本

四明叢書

四明叢書
約園刊本

四明叢書

四明叢書
約園刊本